

Limba nuraghesea



Carta de sos nuraghèsos.

Chin **limba nuraghèsa**, **nuraxèsa** o **nuràgica** si bolet indittare sa limba (o limbas, sicomente no nde ischimus belle nudda) chi sos nuraghèsos chistionabant, in antis chi sa Sardigna e sa Còssiga sèrent latinizàdas. Sicunde Alberto G. Areddu^[1] tames b'at meda innettos chi sos Nuraghesos fabeddabant una limba parente istrinta de sa chi aiant fabeddau sos antenados de sos Albanesos. Picande mascamente paragulas chi sunt attestadas in leadas remonidas de s'Ozzastra e de sa Barbagia, isse in antis ponet custas confruntatziones:



Articulu in nugoresu



Su nuraghesu diffundiu in sa provintzia romana de Còssiga e Sardigna

- sardu: *eni*, *enis*, *eniu* 'arvure de su tasaru' = albanesu *enjë* 'tasaru; ghiniperu'
- sardu *rethi* 'bitichinzu' = alb. *rrypthi* 'bitichinzu'
- sardu: *alase* 'laruspinosu' = albanesu *halë* 'ispina; acu de pinu; pinu nieddu', *halëz* 'arista de sa ispiga; ispina'
- sardu: *lothiu* 'alludrau', topp: *Lotzorai*, *Lothorgo*, *Loceri*, *Lotzeri* = albanese *lloç* 'ludrau' (chi sicunde caliccunu tames est unu unu imprestidu bulgaru, ma pro attere, ad isempiu Orel est naschidu dae una parabula refragada islavo-meridionale **lojъ* 'anything liquid')
- sardu: *dròb(b)alu* 'istentina de sos porcos' = albanesu *drobolì* 'istentina' (chi est boche indo-europea cun custu semidu petzi in sa cussorza islava meridionale e diat poder esser un imprestidu traci u a sas limbas islavas)
- sardu: *urtzula* 'bitichinzu', top. *Urtzulei* = albanese (*h*)*urth*, *hurdh* 'edra, candelarzu'
- sardo *amadrina* 'femina de su chervu' = alb. *drenje*, *drenushe* 'femina de su chervu'
- sardo *élimu* 'rancore' = alb. *helm* 'fele, dispiachere'
- sardo *tzìrima*, *tzérrima* 'rancore, tirria' = alb. *çirrma* 'shrill threats, insults'
- sardo *càstia* 'retza pro picare sa paza' = alb. *kashtë* 'paza'
- sardo *thùrgalu* 'traghinu' = alb. *çurg* 'traghinu'

Pustis acattat confruntatziones in sa toponomastica de gasi: *Orolai* cun alb. e islavu *Orol* 'abbile', *Nucoro* cun islavu *noga* 'pede', ecc. ecc.^[2]

Mancantzia de fontes

Sicomete no amus mai iscopertu repertu perunu chin iscrittos chi si podant refèrrer a carchi limba nuraghesa, pro como sa prus parte de istudiosos pessat chi sos nuraghesos non connoschiant peruna fromma de iscrittura. No azuat su fattu chi s'antica limba protosarda che l'apat iscantzellada su latinu in su cursu de s'edade nuraghesa. In mancantzia de calesisiat fonte, si podet petzi narrer carchi teoria o ipotesì. Carchi chirca de Gigi Sanna, no cumprobada in nudda dae sos istudiosos, at fattu essire a campu sa possibilidade chi una iscrittura Nuraghesa o Shardana, in antis chi fint arribaos sos Fenìtzios, esistiat comuncas.

Referènzias

1. A.G.Areddu, Le origini albanesi della civiltà in Sardegna, Ed. Kindle 2015 (ed. a stampa esaurita, Napoli 2007)
 2. [1] (<http://independent.academia.edu/albertoareddu/>)
-

Bogadu dae "https://sc.wikipedia.org/w/index.php?title=Limba_nuraghesa&oldid=153306"

Ùrtima modìfica su 19 Ghe 2018, a is 15:12.

Su testu est disponìbile segundu sa litzèntzia Atributzione Creative Commons-Cumpartzi a sa pròpria manera; si podent aplicare prus cunditiones galu. Abbàida is cunditiones de impreu pro is particulares.